

TABVLA RECITATIONVM

IN
ACADEMIA LVDOVICIANA
PER SEMESTRE AESTIVVM
A DIE X. APRIL.

CIDCCCXXX.

IN CHOANDARVM.

RECTOR
ACADEMIAE LVDOVICIANAE
D. IOHANNES GEORGIUS
BECHTOLD
CVM SENATV.

Caesarem Augustum omnia nauasse operam, ut urbem, quam lateritiam acceperat, marmoream relinqueret, atque innumeris aedificiis, quibus eam exornauit, monumenta nominis sui sifteret, e *C. Suetonio Tranquillo*, caro, Vobis, *Ciues Optimi*, scriptore, bene meministis. Inter quae praestantissimum eius institutum eminet statuac ducum, qui imperium populi Romani ex minimo maximum reddiderant, in vtraque fori porticu ab ipso dedicatae. *Suet.* cap. 31. Idem ingenti statuarum copia urbem impleuit, quum e strena, quam ipsi Kalendis Ianuariis omnes ordines offerre consueuerant, pretiosissima deorum simulacra mercatus vicatim dedicaret. *Suet.* cap. 57. Prae aliis talibus simulacris celebrantur a *Suetonio* Apollo Sandaliarius & Iupiter Tragoedus. De Apolline illo quum acerrime ab interpretibus disceptatum, nec quicquam flocci a Vobis habendum sit, quod ad Apollinem pertinet, de ratione illius cognominis pauca disseramus. Atat nomen illud Apollinis ex eo, quod Ioui tribuitur, facillime illustrari posse nobis quidem videtur. Iouem Tragoedum appellari a vico tragoedo, in quo tragoedi plures colebant, omnes fere consentiunt. Quemadmodum enim Iupiter Capitolinus, Apollo Palatinus vocantur propter locum, in quo aedes eorum sitae sunt: ita vicus, in quo effigies Dei statuta, Deo ipso nomen dedit. Cum qua explicatione congruit, quod *vicatim* dedicata simulacra *Suetonius* narret, e quibus praestantiae causa statuam v. c. Iouis in vico Tragoedorum collocatam memorauit. Iam vero analogiae leges Apollinem Sandaliarium eodem modo interpretari iubent; Apollinis scilicet statuam intelligi putamus in vico Sandaliariorum positam. Miramur igitur, S. R. *Ernesti*, optimum alias *Suetonii* interpretem ad hunc locum exclamasse: Quid est Apollo Sandaliarius, id est, sandaliarum artifex? Apollinem profecto Musarum praesidem artiumque liberalium inuentorem qui ad artes sellularias condemnat, *Horatii* praeceptum violat, qui hanc legem edixit, ne quis deorum

Regali conspectus in auro nuper & ostro,
Migret in obscuras humili sermone tabernas.

Praeferenda viro summo videtur lectio librorum quorundam *sandaliarum* i. e. sandaliis indutum, quae etiam *Gessneri* sententia est in Thesouro Linguae Latinae. Atat cur eo calcamentorum genere statua Apollinis instructa fuerit, nullam exhibere possumus rationem, quum e contrario vicum vrbis Romae *Sandaliarium* vocatum esse tam *Gellius* Noct. Att. XVIII. 4. quam *Sexus Rufus* de regionibus vrbis Romae testentur, idque contextui maxime consentaneum sit. Vici illius *Ernesti* ipse alio loco meminit (*Suetonii* Oct. 72.) his verbis usus: Sca-

Scalas anularias interpretantur, ad quas aurifabri, qui anularii dicuntur, anulos venderent, eadem analogia, qua vicus sandaliarius dicitur, vbi sandalarii habitabant, vel sandalia venalia habebant. — Quae quidem praemittere libuit inuitationi ad praelectiones aestiuas Vobis, *aestimatissimi Commilitones*, in hac tabula propositas. Frequentes confluat, attentè audiaris, doctiores exeatis, haec votorum nostrorum summa fuit, haec indicem hunc delineantes maxima fiducia sperauimus.

LECTIONES THEOLOGICAE.

D. IO. HERMANNVS BENNER, *Acad. Senior.* Christianae religionis *capita*, & *praecepta*, semper docere paratus, exegetin practicam epistolae ad Colossenses offert, *Godwini, Mosen & Aaraonem* (perutilem libellum & nouae lucis vbique capacem) volentibus praeleget, Horae sunt XI-XII. IV-V.

D. IOHANNES GEORGIUS BECHTOLD. Hora VII. quater per hebdomadem scholas catechetico-practicas & disputatorias aperiet; hora eadem diebus Mercurii & Saturni epistolam Paulli ad Hebraeos interpretabitur. Hora VIII. Heilmanni theologiam dogmaticam, hora VIII. Lessii librum de veritate religionis Christianae, aut, si commilitones id maluerint, eiusdem theologiam moralem praeleget; ad lectiones quoque polemicas duce Millero instituendas paratissimus.

D. LVDOVICVS BENIAMIN OUVRIER. Hora VII-VIII. docebit theolog. moralem duce D. Lessio. Hora VIII-IX. dogmaticam praeunte D. Dasouio. Hor. XI-XII. historiam ecclesiasticam N. T. ad compendium Moshemianum. Diebus Mercurii & Saturni horis commodis ad compendium suum homiletico & catechetico-practicas exercitationes instituet. Ad theologiam polemicam auditoribus proponendam quoque paratus erit.

LECTIONES IURIDICAE.

D. IO. CHRISTOPH. KOCH *Institutiones* ex HEINECCI elementis nou. edit. hor. VIII. *Ius criminale* ex suo compendio hor. X. *Ius canonicum* ex G. L. BOEHMERO hor. II. sex per hebdomadem diebus tradet. *Doctrinam successionis ab intestato* hora commoda docebit ad filum sui libelli. Offert quoque iis, qui profectuum suorum periculum facere cupiunt, *disputatorium* aut *examinatorium*.

D. CHRISTIANVS HARTMANNVS SAMVEL GATZERT hor. VII-VIII. *Ius feudale* ad Boehmerum; hor. VIII-IX. *Ius Publicum* I. R. G. duce Püttero; hor. XI-XII. *Ius Germanicum priuatum*, praeunte Selchowio tradet, ad scholas etiam iuris *practicas & diplomaticas* denuo paratus.

D. LVDOVICVS IULIUS FRIDERICVS HOEPFNER *Historiam iuris*, quo germania vitur, duce Selchowio hora X-XI. *Pandectas* praeunte Boehmero hora IX-X. XI-XII. & (bis per hebdomadem) VI-VII. explicabit. Alia praeterea desideraturis non deerit.

D. HELVICVS BERNHARDVS IAVP hora VIII-IX. *ius publicum* hora X-XI. *historiam imperii* tradet ad ductum PÜTTERI. Eodem praeunte, hora II-III. bis per hebdomadem *ius priuatum principum* exponet. Ad *collegium practicum*, & *process. imp.* quoque paratus erit.

LECTIONES MEDICAE.

D. IO. WILH. BAVMER, Med. Prof. primar. Hor. IX. omnibus diebus profestis in Dn. Zach. Platneri artem medendi, singulis morbis applicatam commentabitur. Hor. X. diebus D. ♂. ♀ & ♀is Iurisprudentiam medicam ad suas institutiones tradet. Hor. XI. diebus consuetis collegium pathologico-therapeuticum publicum iterum aperiet.

D. CHRI-

D. CHRISTOPH. LVDOV. NEBEL, Med. Prof. ord. & h. a. Dec. Artem obstetricalem ex Steinii Compendio hora III-IV. Chirurgiam in Platneri Institutiones hora XI-XII. docebit. Historiam medicinae literariam ad filium Cl. Murray libelli cui tit. enumeratio librorum medici praecipue argumenti, hora I.-II. tradet.

D. Io. LVD. FRID. DIETZ. Prof. Med. Ord. H. IX-X. Physiologiam duce Hallero; h. X-XI. Anatomem theoreticam praecunte Plenckio explicabit, illasque praeparatis, iconibusque anatomicis illustrabit. Examinatorium quoque Anatomico physiologicum publice offert.

CAROL. GVILELM. CHRISTIAN. MVLLER D. h. VII-VIII. Physicam experimentalem, vsurus compendio cel. Io. Becmann h. I-II. Botanicen ad filium Phil. bot. & syst. veg. b. a Linne h. V-VI. historiam naturalem vniuersalem ad compend. cel. Ebert, tradet. Lectiones quoque priuatissimas in mineralogiam & hydrologiam, desiderantibus, aperiet. Publicas lectiones suo tempore indicabit.

LECTIONES PHILOSOPHICAE.

ANDREAS BOEHM, Log. Metaph. & Mathem. P. P. P. Bibl. Acad. Praef. H. VII. matutina logicam, h. VIII. metaphysicam ad ductum compendiorum a se editorum; h. II. mathesin puram praecunte WOLFIO docebit; h. III. nonnullas matheseos applicatae partes explicabit. Bibliothecam publicam consueto tempore aperiet.

IO. CHRISTOPH. FRIED. SCHVLZ LL. Or. & Ant. P. P. O. hor. X-XI. Mathaeum & Marcum ex recensione Griesbach. interpretabitur. hor. III-IV. Historiam Ecclesiasticam N. T. ad ductum Compendii Walchiani enarrabit. hor. I-II. Fundamenta linguae Anglicanae docebit publice. Antiquitates hebraicas offert hora auditoribus commoda.

D. CHRIST. HENR. SCHMID, Prof. Poes. & Eloqu. Publice Hor. III-IV. diebus Lunae, Martis, Iouis & Veneris Terentii fabulas illustrabit. Priuatim Hora VIII-IX. diebus Lunae, Martis, Mercurii, Iouis & Veneris fundamenta stili cultioris ex Heinccio tradet, die Saturni eadem hora exercitia stili Latini corriget. Hor. IV-V. Theoriam litterarum elegantiorum, id est; Poeticas, Rhetoricas & Aestheticas e Lindnero docebit. Hora V-VI. Historiam Litterariam Poeseos e libro suo enarrabit; Historiam quoque litterariam duce S. R. Millero offert.

HENR. MART. GODOFR. KOESTER Histor. P. P. O. Historiam literariam hora VIII. ad Comp. Baumannii, Statuum Europae hor. X. ad Comp. proprium, Vniuersalem hor. XI. ad Comp. proprium docebit, ad Praelectiones in Historiam Ecclesiasticam, Imperii Procerum, Statisticam, Heraldicam, & Philosophiam moralem paratus.

LECTIONES OECONOMICAE.

IO. AVGVSTVS SCHLETTWEIN hor. VII-VIII. matut. notitiam Europae politicam, die Statistik, ex proprio, qui in publicum prodibit, libro; hor. VIII-IX. Oeconomiam forestalem duce Succowio; hor. X-XI. Ius naturae & gentium secundum Achenwallium; hor. XI-XII. Oeconomiam politicam siue vniuersas disciplinas camerales secundum proprium systema tradet; paratus quoque ad explicandum specialius ac fusius elegantissimam & perquam momentosam doctrinam de domaniis, regalibus, & collectis hor. II. post merid. vel alia commodiori, si sufficiens auditorum numerus cum ipso conuenerit. Praeterea exercitabit etiam quasi in Seminario politico & camerati commilitones, qui id desiderabunt, per duas vel tres horas in septimana in omnibus, quae in camera, regimine, aliisque collegiis & foris politicis & camerilibus tractanda & expedienda sunt, negotiis, nempe Protokolle zu führen, Berichte zu erstatten, Decrete, Rescripte, und andere Verfügungen und Resolutionen ab-

zufassen, Instruktionen zu entwerfen, Relationen, Gutachten, und Anträge zu machen, Registratur- und Archiv-Geschäfte zu besorgen &c.

D. IO. WILH. BAVMER, Hist. nat. & Chem. Prof. Hor. X. diebus Xii & Hni Hydrographiam subterraneam a se editam explicabit. Hor. XI. historiam naturalem regni mineralogici, ad compendium suum modo typis expressum, tradet, & obiecta huc spectantia simul oculis subiiciet. Nec iis decrit, qui, tempore praefiniendo, praecepta docimastica haurire, & processibus metallurgicis interesse, secum constituent.

ANDREAS BOEHM. H. III. principia *architecturae civilis* in usum eorum, qui scientiis oeconomicis operam navant, tradet. Iis, qui theoriam machinarum molarium & artem illas calculo subiiciendi addiscere cupiunt, *collegium algebraicum* offert, qua scilicet praeparatione destituti ad hoc studium accedere non possunt.

D. IO. LVD. FRID. DIETZ. Medicinam Veterinariam ad filum Compendii Erxlebiani ad finem perductam publice hora auditoribus commoda denuo tradet.

IOH. PHIL. BREIDENSTEIN, Oeconomiae ruralis & Rei calculoriae Cameralis P. P. O. H. X. Oeconomiam ruralem, ad Praecepta Succouii, quinquies — quater autem per Hebdomadem Rei calculoriae Cameralis fundamenta, Wiedeburgio duce, Hora II. explicabit. In urbanam oeconomiam praelectiones desideraturis operam suam non denegabit. Arithmeticam quoque Theoretico-practicam hora commoda docebit.

GEORG. FRID. WERNER, Geometriam practicam & omnia, quae ad illam pertinent, docebit, ipsam praxin cum regularum expositione continuo coniuncturus. Versus finem semestris praecepta artis libellandi tam explicabit, tam in campis actu exercebit. Tandem etiam in iis, quae ad officium peraequatoris pertinent, erudiet harum rerum curiosos. Praelectionibus h. II, practicis autem laboribus diebus mercurii & saturni post meridiem vacabit.

LECTIONES EXTRAORDINARIAE.

IOANN. CHRISTIANVS DIETZ, SS. Theol. Prof. publ. extraord. Ebraeae linguae fundamenta & genium, e psalmis Davidis; graece, e Xenophonis Cyropaedia enucleabit, hora X. matutina. Collegium exegeticum hora II. pomeridiana in epistolam diuini Pauli ad Titum instituet.

D. IOANN. WILH. CHRISTIAN. BAVMER, Med. Prof. Publ. Extraord. Hora I-II. pomerid. diebus Dnae Arts Zuis & Gris Semiologiam, duce b. m. Dno Ludewig in Institutionibus Semiologiae, proponet. Eadem hora diebus Grii & Hni osteologiam, praemonstrante b. m. Dn. Scharfchmidt in tabulis osteologicis, tradet. Hora II-III. Institutiones medicas b. m. Dn. Boerhauui explicabit.

Praeter ista Generosissimis Nobilissimisque Ciuibus de Iuculenta *equitandi*, *pugnandi gladio* *sutrandique* palaestra, *Gallicae* item & *Italicae* linguae scholis, per magistros earum peritissimos, publice constitutos, abunde prospectum est.